



fiat
in
his
die
bus
in
ter
ra
et
in
cae
lis
in
no

J. II. 13

Imp
omni
do igr
ration
motu
inepta
num,
dei ax
ut pro
tiones
sat fo
pecca
poena
lixer
me si
corde
ferm
surre
reuer
grati
lume
quan
tran
min

FASCICULUS
MYRRHÆ,

sive Considerationes

de

SACRIS VULNERIBUS
CHRISTI;


collectæ ex Opusculo

A. R. P. VINCENTII CARAFFÆ,
Societatis Jesu Præpositi Generalis;

Dominis Dominis Sodalibus
Congregationis Latinæ Majoris
Beatissimæ Virginis ab Arch-
Angelo salutatæ

*In Cæsareo-Academico Societatis
Jesu Collegio Wratislaviæ*

In strenaM anni InChoatI
DICatæ.




Wratislaviæ in Summo,

Impressit ANDR. FRANC. PEGA,
Seren. & Reverend. Princ. & Episcopi
Typographus Aulicæ.

Josephi Kienlechner

SUB RECTORATU
Reverendissimi, Perillustreis, ac
Amplissimi Domini,
D O M I N I
LUDOVICI,
Sacri & Exempti Ordinis
Cisterciensis,
Antiquissimi, & Ducalis Coeno-
bii Lubensis Divinâ Providen-
tiâ ABBATIS,
Per utramque Silesiam VICARII
GENERALIS,
Ecclesiæ Collegiatæ Lignitiae
PRÆPOSITI PERPETUI,
Nec non
Celeberrimi Sancti-Monialium
Monasterii in Trebnitz
VISITATORIS ORDINARI,
& PATRIS IMMEDIATI:
DOMINI DOMINI
ac Patroni munificentissimi.



Ad Lectorem.

S. Bernardus Tract. de Pass. D. N.

Cap. 44.

ENstat Dominus Iesus Rex
tuus expansis manibus, nudo
corpore, manibus simul & pedibus
perforatis, capite inclinato. Con-
fortare nunc & elevare anima
mea misera & infirma, & alis fi-
dei & spei ad hunc hortum chari-
tatis enitere, & totum mentis in-
tuitum per varia dispersum in
unum collige, ac apud sedulitatem
imitans ad conficiendum tibi met
devotionis ad paradisum chari-
tatis ascende. Non est elevatus in
crucem, ut se difficilem præberet
accedere ad eum volentibus, sed
magis ut omnibus posset paratior
inveniri. Accedens ergo cum fidu-
cia ad hunc Paradisum in exten-


fione brachiorum cognosce, suscipe
affectum paratum ad tuos, & te
ad suos invitantis amplexus, &
quasi misericorditer clamantis:
Revertere, Revertere Sunamitis,
ut intueamur te. Intra ergo, ani-
ma, Paradisum omnibus Para-
disis meliorem, nunc quidem solo
cogitationis affectu, ut postea ani-
mâ & corpore cœlestem Paradi-
sum valeas introire. Nec brevi-
ter amplexandus est iste Para-
disus, sed volandum per singulos
illius flores, & singulorum florum
folia sunt sugenda: nunc ad dexte-
ram, nunc ad sinistram rivulos
guttasque sanguinis spargentem
est accedendum. In horum con-
templatione repete frequenter:
Redde mihi letitiâ salutaris tui;
ad instar Apis, quæ inter volan-
dum quendam sonum habet, donec
in florem intret. Accede tandem

ad

ad Cor humilimum altissimi Iesu
per januam lateris lanceati, ibi
thesaurus ineffabilis claritatis
latet, ibi nova devotio invenitur,
inde lacrymarum gratia extrahi-
tur, discitur mansuetudo, pati-
entia in adversis, compassio in af-
flictis, & præcipue cor contritum
& humiliatum ibi invenitur. Ipse
Iesus complexus tuos desiderat,
talis, ut complectatur, expectat,
caput floridum multis spinarum
aculeis confossum ad te inclinat,
ut ad pacis osculum te invitet.
Redde vicem, & super vulnera
mea misericordiâ commovere, &
pone me talem, qualem vides, ut
signaculum super cor tuum, signa-
culum in brachio tua, ut in omnibus
cogitationibus cordis tui, & ope-
rationibus brachii tui mihi tali-
ter, ut vides, signato similis in-
veniâris.

Sanct. Bernard. Serm. 43.
in Cant.

Hæc meditari dixi sapientiam,
in his justitiæ mihi perfecti-
onem constitui, in his plenitudi-
nem scientiæ, in his divitias sa-
lutis, in his copias meritorum.
Hæc me erigunt in adversis, in
prosperis reprimunt, & inter
lata tristiæque vitæ præsentis
via regia incedenti tutum præ-
bent utrobique ducatum. Pro-
pterea hæc mihi in ore frequen-
ter, sicut vos scitis, hæc in corde
semper, sicut Deus scit. Hæc
stylo meo admodum familiaria,
sicut apparet. Hæc mea sublimior
interim Philosophia, scire Iesum,
& hunc Crucifixum.



CONSIDERATIO I.

De Amore, Doloze, & Pretio Vulnerum Christi.

I.

Vulneratus est propter iniquitates nostras. Causa Vulnerum Christi non fuere clavi, aut lancea, sed tua peccata. Vulneratus est Christus ex puro amore ad tuam utilitatem, ut te liberaret à peccatis & morte, & conferret gratiam & veram vitam. Idque totum præstitit absque intuitu ullius proprii commodi. Hanc amoris puritatem & tu imitaberis, quærendo in rebus omnibus, non quæ tua sunt, sed quæ Iesu Christi.

2. Dolor Christi juxta immensitatem amoris fuit immensus: majorque fuit

A 4 dolor,

dolor, quo tibi propter tua peccata & damnationem tuam condolebat, quam fuerit de propria crucifixione & morte. Hunc amorem, & hunc dolorem assidue ruminabis immerfus vulneribus Christi, rogabisque Dominum cum S. Augustino: *Scribe Domine vulnera tua in cordo meo pretioso sanguine tuo, ut legam in eis amorem tuum ad contemnendum pro te omnem amorem; dolorem tuum, ad sustinendum pro te omnem dolorem.*

3. Vulnera Christi pretium accipiunt ab Unione cum infinita persona Verbi, suntque deifica non solum in seipsis, sed etiam in nobis. Per illa enim, & in illis transformamur in quoddam esse Divinum, & omnem humanam naturam transcendens. Ita loquitur S. Bonaventura: *Passio amabilis & admirabilis, quæ suum meditatorem alienat, & non solum reddit Angelicum, sed Divinum.*

CONSIDERATIO II.

*De Dolore, quem Christus in
vulneribus sensit.*

I.
Intensissimus omnino fuit dolor,
quem Christus Dominus noster in
quinque vulneribus sensit. Primò pro-
pter locum, in quo ea passus est. Nam-
que manus, & pedes sunt partes maximè
nervosæ, & sensitivæ. In his carnem
clavi dilacerârunt, terebrârunt venas,
perruperunt nervos, & arterias, cum in-
credibili spasmò Domini.

2. Maximus fuit ob violentam di-
stensionem corporis, quam adhibuerunt
carnifices, ut & manus & pedes designa-
tis foraminibus applicarent. Fuitque
hæc distractio similis poenæ equulei, &
major, quia fuit tanta, ut omnia pe-
toris & totius corporis ossa dinumerari
singulatim possent, ut prævidit Pro-
pheta, qui dicebat; *Dinumeraverunt
omnia ossa mea.*

A 5 3. Ut

3. Ut ob pondus corporis in equuleo semper crescit dolor, & tandem fit intolerabilis: ità & Christo in cruce pendenti aggravabantur dolores, & crescebant accedente nova carnis & venarum laceratione, nervorúmque & arteriarum attritu. Adjungebatur continua ossium divulsio & luxatio, quibus omnibus ità creverunt Christi dolores, ut intensiores esse non possent. Eos, ut nobis patefaceret, clamavit ad Patrem, *Deus meus, Deus meus, quare me dereliquisti?*

Inter omnes hos dolores nullus major aut acutior Christum pupugit, quàm tua ingratitude. Quare S. Bernardus in persona Christi exclamat: *O homo! vide, quæ pro te patior. Non est dolor, sicut quo crucior. Ad te clamo, qui pro te morior. Vide pœnas, quibus afficior; vide clavos, quibus confodior. cum sit dolor tantus exterior, interior est planctus gravior, cum te tam ingratum experior.*

CON.

CONSIDERATIO III.

De Desiderio, quod Christus habuit accipiendi vulnera.

I.
A primo instanti suæ conceptionis Christus se obtulit ad mortem, & mortem Crucis per vulnera manuum, pedum, & lateris perficiendam. *Vota mea, id est, vulnera mea Domino reddam.* Vocantur vota; quia voto oblata fuerunt. Considera itaque quod anima Christi sanctissima mox atque per Creationem ingressa est in theatrum hujus mundi, ex desiderio faciendi rem Patri æterno gratissimam in procuranda nostra salute, se obtulit ad mortem crucis & ad vulnera; atque ut desiderii sui in hoc opere magnitudinem ostenderet, illud votô confirmavit.

2. Duæ fuerunt Christi Cruces, altera spiritualis, quæ à primo instanti conceptionis cœpit: altera corporalis, cui principium datum in præsepio.

A 6 Spiri-

Spiritualis Crux consistebat in tristitia interna, quam causabat viva futurorum vulnerum & mortis apprehensio. O sanctissima Christi anima, gratias tibi ago, téque in æternum benedico, propterea quod ab ipso principio tuæ conceptionis adhuc intrà virgineum uterum conclusus suscepisti in te dolorem vulnerum; priúsque ab amore, quàm ab odio crucifigi voluisti.

3. Disce anima mea, tua desideria conformare desideriis Christi. *Disce à Christo, quomodo diligas Christum.* Desideria Christi sunt, pati & mori, vulnera, Crux. De his à Patre præceptum accipit. Hæc ipse firmat votô. In illis elucet charitas Christi. ardens, insuperabilis, & inæstimabilis. Tua quoque desideria pro scopo habeant ruborem vulnerum, passionis, & mortis pro Christo, & in Christo.

CON-

CONSIDERATIO IV.

*De Cupiditate patiendi, quam
Christus in suis vulneribus
ostendit.*

Quamvis ^{1,} vulnera Christo fuerint summo dolori, non tamen pertigerunt ad magnitudinem desiderii patiendi. Ferrum transfixit manus, pedes, & latus; at desiderium totum corpus perforavit. Odium Judæorum adaperuit vulnera in Cruce; desiderium per omnem vitam, inchoando ab utero virginali. Huc tendebat querela Christi ad Patrem æternum: *Deus, Deus meus, ut quid dereliquisti me? Non petit propter tormenta, quæ patitur; sed propter tormenta, quæ non patitur*, inquit Bernardus. Vivere petiit, non propter vitam, sed ut pateretur amplius, & prolongaret mortem.

2. Hanc ob causam vulnera conservavit post resurrectionem; ut, quia

gloria impeditura erat passionem & dolorem, memoria saltem vulnerum frueretur, substituerétque negato (ut ità dicam) originali Crucis imaginem, quam vulnera exprimebant. *Baptismo habeo baptizari*, dicebat Christus, eùm de sua morte loqueretur, & *quomodo coarctor, usque dum perficiatur illud*: Baptismo habebat baptizari suæ mortis & passionis, affligebatúrque quum differretur, & agebat: O quanto ardeo desiderio! O quæ dies meo desiderio satisfaciet! O festinate horæ!

3. S. Gertrudem docuit Dominus, quid homini faciendum sit, cùm imaginem Crucifixi intuetur. Imaginabitur, inquiebat, se has à Crucifixo voces accipere: *En vides, quomodo pro te sum vulneratus in Cruce. Si saluti tuæ expediret, vellem pro te solo tolerare omnia, quæ toleravi pro toto mundo. Tantus est amor, quo te prosequor, tantum tuæ in me salutis desiderium. S. Brigittæ hæc dixit: Si fieri*

fieri posset, ut toties morerer, quot sunt
animæ in inferno: ego promptissimâ
voluntate, & perfectissimâ charitate
corpus meum traderem: eandemque
passionem & mortem pro qualibet anima
sustinerem, quam sustinui pro omnibus.
Idem suum desiderium aperuit Christus
Carpo vindictam de scelerato quodam
postulanti. Cui apparens cum vulne-
ribus hæc dixit: *Paratus sum corpore
iterum pro solvendis hominibus pati.*
Tu Carpe mortem peccatori illi postu-
las; scito tamen, me tam pro ipso,
quàm pro quocunque hominum para-
tum esse de novo pati, & mori.

CONSIDERATIO V.

De Pulchritudine Vulnerum Christi.

I.
Si in resuscitatis corporibus Marty-
rum comparebunt gloriosæ cicatrices,
quæ Christi causa inflictæ sunt; quanto
glori-

gloriosiora credemus futura Christi vulnera, quæ sustinuit & persona divina, & pro gloria Dei. *Vulnera, quæ permanserunt in corpore Christi, ait Doctor Angelicus, non pertinent ad corruptionem vel defectum, sed ad maiorem cumulum gloriæ.* In omnibus membris Corporis Christi relucebat splendor gloriæ conveniens, & proportionatus statui glorioso Filii Dei veri & naturalis. *At in locis clavorum, subdit idem, quidam specialis decor apparebat.* Considera, ut in foraminibus manuum & pedum inter se continuæ erant venæ, muscoli, & arteriæ una cum sanguine: at caro disconnexa erat, ejusque loco vacuitas illa replebatur lumine gloriæ, splendore, & quadam Cœli qualitate, quâ vulnera admirabilia, desiderabilia, & spectatu dignissima reddebantur.

2. Cuidam, creaturarum pulchritudini plus æquo alligatæ, apparuit Christus, ostendens vulnera pulcherrima & gloriosissima, itaque recentia, ut

ut ea hora inflata viderentur : tantum-
 que fuit lumen , & pulchritudo , quæ
 inde promicabat , ut anima illa capta
 Christi amore omnem creatum exuerit.
 Sancta quoque Theresia ex solo unius
 vulneris manûs aspectu , ita immutata
 animo fuit , ut hanc illius pulchritudi-
 nem & lumen adamaret super omnia ,
 & ab illa hora omnem amorem & pul-
 chritudinem mundi abhorreret. Quare
 optimè hinc deducit Blosius, quòd post
 Deum maxima Cœli pulchritudo con-
 sistit in Christi vulneribus. *Hæc quin-
 que vulnera sanctissima plus pulchritu-
 dinis , decòris , & claritatis toti cœlesti
 curiæ conferunt , quam omnia alia , quæ
 in vita perenni (exceptâ divinitate)
 habentur.* Hinc pariter deducamus ,
 quantopere dolendum sit , quod in
 tantam hæc vulnera oblivionem de-
 venerint.

CONSIDERATIO VI.

Quod in vulneribus Christi resplendent attributa divina.

In vulneribus Christi resplendent in summo gradu attributa divina, Potentia, Sapientia, & Bonitas.

1. Divina Potentia *in superando, justificando, resurgendo.* Superavit in illis omnes inimicos, mundum, dæmonem, carnem. Justificavit peccatores. Quod opus justificationis majoris est potentiae, quàm opus creationis. Resuscitavit semetipsum, & alios: quod itidem omnipotentiae signum est.

2. Manifestatur in Christi vulneribus summa sapientia, quia respectu Patris fuerunt summæ justitiæ, respectu verò nostri summæ misericordiæ.

3. Manifestatur in iisdem summa bonitas, quandoquidem per eandem mortem sibi per nos illatam liberavit nos à morte, cùm tamen meriti fuisset pro tali facto mortem æternam.

CON-

CONSIDERATIO VII.

De Memoria Vulnerum Christi.

N^{I.}ecessaria est frequens memoria Vulnerum Christi, quia absque memoria subsequi non potest imitatio, quâ deficiente non fit applicatio meritorum per gratiam. Quemadmodum pictor imitari non potest aut effingere imaginem, quam non videt: ita imitari non possumus virtutes & vulnera Christi, nisi prius ea oculo memoriæ & considerationis attentè contemplemur,

2. Ad hanc memoriam ipse nos Christus invitat: *Recordare paupertatis, & transgressionis meæ, id est excessus amoris & doloris, quem sentio in meis vulneribus.* Respondeat anima fidelis: *Memoriâ memor ero, & tabescet in me anima mea:* hoc est, ab attenta & crebra memoria vulnerum mortificabitur in me, & quasi extinguetur omnis affectus terrenæ concupiscen-

piscentiæ. Deficit affectus superbiæ ex consideratione Christi crucifixi, & vulnerati. Deficit spiritus avaritiæ ad aspectum paupertatis Christi crucifixi.

3. Praxis huius memoriæ sic à S. Bernardo describitur : *Depinge tibi quasi ante oculos Dominum in Cruce pendentem, & nunc pro clavis, nunc pro lancea suspirabis, & gratias ages : nunc apud manuum, nunc apud pedum vulnera veniam quæres. Hanc vitam vivebat Stephanus Abbas : Die nocteq³ nihil aliud aspicio, nisi Dominum meum Iesum Christum in cruce pendentem.*

CONSIDERATIO VIII.

De Gratitudine, quam Vulneribus Christi debemus.

I.
Gratitudo secundum S. Thomam consistit in intellectu, lingua, & opere. Intellectu rimando, & æstimando magnitudinem beneficii; voce laudando, & agendo gratias benefactori, opere retri-

retribuendo juxta virium qualitatem. Hos tres actus debemus Christo pro beneficio vulnerum, primò æstimando donum valoris & pretii infiniti. Secundò reddendo infinitas laudes in refusionem gratiarum. Tertiò patiendò & agendò pro ipso, & si fors obtigerit, *Sanguinem sanguine compensando.*

2. Cum aliquando S. Mechtildis à Domino exquireret, quid agere tantum posset, ut se pro beneficio vulnerum gratam ostenderet, apparuit ei Christus, & dixit: Pro vulneribus pedum offeres mihi omnes tuos affectus, & desideria; pro vulneribus manuum offeres actiones tuas, & passionem; pro vulnere lateris perfectam conformitatem cum voluntate mea.

3. Considera sententiam S. Bernardi: *Gratiarum cessat decursus, ubi recursus non fuerit.* Desiuit ex vulneribus sanguis pro te, sed non in te, nisi tu facias eum per gratitudinem recurrere ad principium suum, Fons misericordiarum, quem

quem gratus animus scaturire è latere Christi facit, exsiccatur per ingratitude culpan.

CONSIDERATIO IX:

Invitatio ad intrandum in Vulnera Christi.

O ^{I.} Cæcitas filiorum *Adæ*, exclamat *S. Bonaventura*, qui per hæc vulnera in Christum nesciunt intrare. An ignoratis quòd Christus est gaudium Beatorum? cur ergo tardatis per sui corporis foramina in illud gaudium introire?

2. Ecce, aperta est janua Paradisi; ecce lignum vitæ tam in ramis, quàm in stipite perfossum. In quibus foraminibus nisi pedes, id est, affectus posueris, non poteris capere fructus ejus.

3. Ecce, apertus est Thesaurus divinæ sapientiæ, & charitatis æternæ. Intra ergo per vulnere aperturam, & cum cognitione magna delicias obtinebis. Replebitur intellectus lumine cœlesti, & affectus consolatione æternâ.

CONSIDERATIO X.

*Modus intrandi in Vulnera
Christi.*

I.
Non possumus corpore, aut animā intrare, ut notat S. Bonaventura: sed purē spiritu, qui est pars superior animæ secundum intellectum & voluntatem. Hic spiritus, secundum eundem, debet esse *in spiritu, & supra spiritum, & sine spiritu*; hoc est, elevatus supra corpus, supra animam, & sine se transformatus in Deum. Ut dicat cum Propheta: *Defecit in salutare tuum anima mea.* Ad hanc elevationem, & separationem erigendi sunt oculi amanti Crucifixum, & vulnera per assiduam orationem, & mortificationem, petendūque à Domino ex pleno affectu, qui ubi vult, spirat; pertingens usque ad divisionem animæ, & spiritūs.

2. Anima hoc modo spiritualis effecta ulterius progredietur intrando,

ut idem Bonaventura docet, non solum mittendo manum suam in latus ejus ; sed per latus ingrediendo ad cor ejus , ubi clavis amoris affixa, & lancea charitatis transverberata nihil aliud desideret, quam in cruce mori cum Christo, & exclamare cum Paulo : Christo confixus sum cruci ; vivo ego , jam non ego , vivit verò in me Christus.

3. Ubi ingressa fuerit anima in vulnera & latus Christi , excœcatis eò sanguine oculis , & ligata vinculis charitatis , non exhibit illinc in æternum. Id sibi accidisse narrat Bonaventura : Oculis sanguine repletis , vinculis charitatis ubique circumflexus reverti nequivi. Cogita quantum , & ex quanto passus est , & quò amore ; videbísque majus fuisse vulnus, quod ab amore accepit, quam quod à ferro, lancea, clavis. Quare rogabis ejusdem amoris jaculis configi.

CONSIDERATIO XI.

*De cœlesti Conversatione, quæ in
Christi Vulneribus invenitur.*

I.

Tanta est inter domicilium Vulne-
rum, & domicilium cœli unio & con-
formitas; ut qui in uno est, etiam sit
in altero, quique se inter angustias vul-
nerum arctat, dilatat in amplis & deli-
ciosis cœli campestribus. Desideravit
Moyſes, & à Deo petiit cœli gloriam,
ut faciem ejus intueretur, responsûm-
que ei à Domino: *Est locus apud me,*
ponam te in foramine petrae. Ut me
videas, capies domicilium meo proxi-
mum in petra perforata, quæ Domi-
num vulneratum significat. Namque
ex humilitate vulnerum cognoscitur
majestas gloriæ, & posteriora, non fa-
cies, quia *per fidem, & non per speciem.*
Itaque ex uno diversorio securo passu in
aliud transitur, quique habitat in vul-
neribus, habitat pariter in cœlo.

B

2. Quis

2. Quis non miretur, quòd in cœlo habitet devotus civis vulnerum ; Namque conversatio conformanda est statui ; & verò virtus vulnerum apta est amantem suum efferre supra statum humanum , Angelisque imò & Deo assimilare. *Suum meditatorem alienat , & non solum facit Angelicum , sed divinum.* Vive itaque felix in vulneribus

3. Legimus Simeonem Stilitam immersum in vulnera Christi pene hominem exuisse ; excesserat humanas vires, quando *immoto corpore & animò* suis pedibus totos dies , & noctes , & annos inter frigora & æstus stetit. Nec conversatio à statione degener erat ; Nam ut in ejus vita legitur, *continùe cælum spectabat.*

CONSIDERATIO XII.

Quòd Vulnera Christi animam satiant.

I.
In vulneribus Christi reperit anima ; quid-

quidquid in suum auxilium & confortationem desiderare potest. Verè enim cum sancto Ambrosio dicere possumus: *Omnia habemus cum Christo, & Christus est nobis omnia*, in vulneribus suis. *Si febribus aestuas, fons est: si gravaris iniquitate, justitia est: si indiges auxiliò, virtus est: si mortem times, vita est: si tenebras fugis, lux est: si cibum quæris, alimentum est.*

2. Causa & principium omnis nostri boni est divinitas, & spiritus vivificus & deificus Christi: verùm hic spiritus non influit nisi in proprium corpus, & propria vulnera. *Anima non vivificat, nisi proprium corpus*; ait Augustinus, *& corpus meum non vivit de spiritu tuo, nec corpus tuum de spiritu meo. Vis ergo & tu vivere de spiritu Christi? esto in corpore Christi. Habitâ tam cogitatione quam affectu in sanctissimis vulneribus, & particeps fies divinorum effectuum, & Christus in suis vulneribus erit tibi omnia.*

3. *Christus factus est nobis sapientia, justitia, sanctificatio, redemptio; per vulnera, inquit Apostolus, idque & per modum meriti ob gratiam capitalem; & per modum exempli, cum sint nostræ ideæ, & per modum finis, quia quod sumus & facimus, ordinandum est ad honorem & gloriam sanctissimorum vulnerum.*

CONSIDERATIO XIII.

De Affectu Admirationis, quem Vulnera Christi causant.

I.
Cum Prophetæ Abacuc revelatum fuisset mysterium vulnerum Christi (*cornua in manibus ejus, id est, in cornibus crucis confixæ sunt manus Christi*) exclamavit, *Timui, timore reverentiali, aut, ut alii legunt, Expavi, extra me factus sum præ stupore, & admiratione. Quod, si admiratio, est actus voluntatis consequens apprehensionem objecti*
exce-

excedentis nostrum intellectum ; quot nominibus relucet in vulneribus Christi, siquidem superat nostram capacitatem hinc dignitas personæ, illinc vilitas supplicii ; hinc acerbitas pœnæ, illinc magnitudo amoris & præmii infinitudo.

2. Sit autem hæc admiratio affectiva & transmutativa. *Omnes mirabantur, sed non omnes convertebantur. Admirabantur opera Christi, sed non sequebantur exempla. Spectatores mirabilium Christi admirarentur, si imitarentur patientiam & charitatem Christi. Noli vivere sine vulnere, dum Christum vides vulneratum.*

3. Hunc affectum admirationis exercebat SS. Virgo Maria, quando stabat juxta crucem contemplando benedicta vulnera Filii. Vacabat, inquit Cajetanus, contemplationi admirativæ, conferendo summa prius visa cum infimis, gloriam divinitatis Christi cum pœna humanitatis.

CONSIDERATIO XIV.

*De Memoria Vulnerum Christi
in Sacrificio Missæ.*

I.
Finis Sacrificii Missæ est applicatio meritorum Vulnerum Christi. Quantum enim meruit Christus in sacrificio cruento crucis, tantum applicatur & impetratur in sacrificio incruento Missæ. Hic affectus universalis est, atque ad omnes diffunditur. Peccatoribus impetratur remissio culpæ, & pœnæ: justis augmentum gratiæ, animabus purgatorii gloria essentialis, Sanctis in cœlo gloria accidentalis, Sanctissimæ Trinitati manifestatio sanctissimi ejus nominis.

2. Intuere tempore Missæ Christum crucifixum cum vulneribus, ex quibus copiosus undique sanguis profluit ad sanctificandum omnem mundum. Sanguis vulneris, quod in sinistro pede, manat in salutem peccatorum; qui dextri est pedis, in refrigerium animarum

rum purgatorii. Qui à dextra manu profuit, pro summo Pontifice; qui à sinistra, pro Imperatore, & statu temporali; sanguis lateris fluit honori & gloriæ sanctissimæ Trinitatis, & totius cœlestis curiæ.

3. Sacerdos, ceu mediator inter Deum & populum, in Missa fungitur officio Legati missi à populo ad impetrandum à Deo per merita sanctissimorum vulnerum gratiam, sanctitatem, & gloriam. Has tres voces (gratiam, sanctitatem, gloriam) inscribe Domine in memoriali tuo propter vulnera Christi: Gratiam pro peccatoribus, sanctitatem pro justis, gloriam essentialem pro animabus purgatorii, accidentalem & extrinsecam pro SS. Trinitate, & Beatis cœli. Nec abs re faciemus, anima mea, si recurremus ad intercessionem sanctissimæ Matris, dicendo: *Sancta Mater istud agas, crucifixi fige plagas toti Mundo valide.* Eadem oratione uti possunt, qui sacro intersunt.

CONSIDERATIO XV.

De Corde, quod Vulneribus Christi sauciatum est.

Cum veritate dici potest, quòd cor Christi vulneribus saucium beatum sit. Sunt enim vulnera Christi signa nostræ prædestinationis, pignora nostræ gloriæ, arrha beatitudinis.

2. Hoc amoris vulnus, quò cor nostrum saucium est, efficitur à memoria continua vulnerum, & ab actibus fidei, spei, & charitatis ad illa. Credo in vos vulnera benedicta, ceu in redemptionem, & pretium nostræ salutis. Credo in vos, ceu in capitalem summam nostrorum meritorum, & amo vos ceu Testimonia evidentissima Charitatis Christi.

3. O Vulnera, quæ corda saxeà vulneratis, & mentes congelatas inflammatis; quæ pectora adamantina liquefacitis præ amore. Vita, dulcedo, & spes

Spes nostra. Venite, ferite, vulnerate;
feriendo redintegrate, & mortem affe-
rendo donate vitam æternam.

CONSIDERATIO XVI.

De Imitatione vulnerum Christi.

I.

Imitatio Christi crucifixi, & virtutum
ejus necessaria est animæ in actu: Passi-
onis verò, & vulnerum corporis in præ-
paratione animi. Quia, ut docet S.
Thomas, filius adoptivus assimilari de-
bet quàm maximè filio naturali, &
membra capiti. Nec passio Christi,
ceu causa universalis effectum sortitur,
absque cooperatione hominis, ut causæ
particularis.

2. Ideò exhortatur nos S. Petrus:
Charissimi, nolite peregrinari in fervore;
aut, ut alii legunt, *nolite mirari in*
ustione. Cùm in schola Christi neces-
saria sit passio; nolite mirari, quando
velut ab igne, mortificatione adurimini.

B 5

Sed

Sed Christo in cruce passo eadem cogitatione, & imitatione armemini.

3. Arca, in qua conservatur gratia, duabus clavibus diversis custoditur, neque una absque altera aperiri potest. Hæ sunt Crux nostra, & Christi: vulnera Christi, & nostra. Clavis Passionis Christi semper parata est, sed necesse est ei nostram uniri, quod est cooperari & compati.

CONSIDERATIO XVII.

De Fine Considerationis Vulnerum Christi.

I.

Secundum S. Bonaventuram considerari debent vulnera Christi *ad imitandum, & compatiendum*. Hæc sit nostra consolatio, subdit idem, progressus in hac imitatione, ex qua nascitur condolentia, sentiens dolores personæ amatæ, & per imitationem expressæ, ceu proprios.

2. Me-

2. Meditanda sunt *ad admirandum*,
 & *exultandum*. Admiranda immensa
 charitas Dei : exultandum de fructibus
 vulnerum , de redemptione generis hu-
 mani , restauratione naturæ Angelicæ ,
 & gloria Dei.

3. Consideranda sunt *ad resolvendum*
 & *quiescendum* ; se in Christum trans-
 formando , & quiescendo in ejus san-
 ctissimis , & dulcissimis Vulneribus ,
 absque ulla alia sollicitudine.

CONSIDERATIO XVIII.

De Occupatione in Vulneribus Christi.

I.
Necesse est, ut docet S. Bonaventura,
 animam interiore aliquo exercitio disti-
 neri, quô diem fallat, & sepositis aliis
negotium suum agat ; quod, ut docet
 Apostolus, est nostræ salutis, & perfe-
 ctionis negotium. Hæc autem interna
 occupatio consistit in devota confide-

ratione , & meditatione Vulnerum Christi , cursando de vulnere in vulnus variis considerationibus & affectibus , quos Spiritus sanctus suggererit. Nunc meditando dolorem , aliàs amorem , valorem aliàs. Insuper in vulnere pedis sinistri considera tua peccata , eorúmque veniam per illud precare. In vulnere pedis dextri considera pulchritudinem virtutum humilitatis, puritatis, obedientiæ, patientiæ, & perseverantiæ. Easdem à Deo interposito dicti vulneris pretio precare. In vulnere manûs sinistræ meditare pœnas inferni , petendo ab eis liberationem. In vulnere manûs dextræ contemplare gloriam Paradisi , illámque postula. Ad extremum in vulnere lateris meditare , & petes sanctum , & purum amorem Iesu, Mariæ , & proximi.

2. Occupari potes in devotione erga Beatissimam Virginem , considerando eam *juxta crucem cum Filio*, & quos *DEUS conjungit , homo non separet.*
Est

Est Christus carne pendens; Maria corde. Christus habet vulnera corporis, Maria animæ. Christus est Martyr Fidei, quia mortuus pro veritate nostræ fidei; Maria Martyr amoris, quia mortua amore, & desiderio Filii. *Iesus & Maria sint semper tecum in via, in omni loco, & in omni tempore bona custodia, Amen. In omni loco, præcipuè in cruce, sanctissimo Sacramento, in cælo. In omni tempore, maximè autem cùm anima est libera ab aliis occupationibus. His adijunge praxim jaculatoriarum, neque hanc negligere, quâ magnus Dei servus est usus. Iesus, Maria amores mei dulcissimi; patiar ego, moriar ego amore vestri; totus sum vester, & nullô modò meus.*

3. Hæc in Christi vulneribus, & doloribus. B. Virginis ibidem commo-
rantis occupatio habet Echo, & resonantiam à gloria cæli: *Secundum multitudinem*, aut secundum mensuram
dolorum lætificant consolationes. Præ-

terea in consideratione humilitatis crucis erigere ad considerationem gloriæ. Videmus Iesum propter passionem mortis gloriâ, & honore coronatum. Et videmus Mariam juxta nominis etymologiam crucifixam, & exaltatam in gloria super choros Angelorum ad cœlestia regna in dextra Filii.

CONSIDERATIO XIX.

*Qualiter S. Mater meditabatur
Vulnera Christi.*

M^{I.}ultorum opinio est, quòd sicut Christus in sua Sanctissima Passione, habuit simul summum gaudium, & summum dolorem; ita sanctissima Virgo in condolendo patienti Filio senserit simul summam compassionem, & summam congratulationem. Compatiebatur passioni Filii; & de ejus fructu lætabatur. Ad quod alludens S. Ambrosius dicebat; *Maria stetit juxta*
cru-

crucem, non ut Filii passionem videret, sed ut Mundi redemptionem expectaret.

2. Aliâ mente sunt alii Doctores, arbitrantur enim animam sanctissimæ Virginis taliter immerfam fuisse in vehementiam dolorum Filii, ut ad fructus Passionis nec attendere quidem potuerit.

3. Imitabere utrumque Virginis statum, nunc tuus dolor erit pura condolentia, modò socium assumet gaudium, & congratulationem. Revelavit benedicta Mater S. Brigittæ, omnem suam vitam mixtam fuisse doloribus, & consolationibus. Doloribus propter vulnera Filii: consolationibus, quòd nôisset eam esse Dei voluntatem, cedereque in salutem hominum. *Quando considerabam loca clavorum in manibus, quas secundùm Prophetas crucifigendas audiui: tunc oculi mei replebantur lachrymis, & cor meum quasi scindebatur præ tristitia. Sed consolabar cum considerabam potentiam Deitatis ejus,*

ejus, & quod ipsa sic vellet & sic expediret: & sic erat semper lætitia mea mixta cum dolore.

CONSIDERATIO XX.

*Quod per vulnus lateris intratur
in Cor Christi.*

Porta, per quam intratur in amantissimum Cor Iesu, est latus lanceâ apertum. Nonnulli dicunt vulnus fuisse inflictum sinistro lateri, in quo Cor residet; eodemque vulnere & latus, & cor fuisse sauciatum. Vulgatio tamen sententia est, fuisse in dextro, idque ipsum indicat sacra findon, & pictura: fuit nihilominus tam profundum hoc in latere dextro vulnus, ut ad cor per-
tigerit, viamque sibi ad illud patefecerit.

2. Verùm, hoc cordis Christi domicilium non petit alium incolam, quàm tuum cor, *Fili, præbe mihi cor tuum,*
ut

ut illud in meo collocem. O felix unio, jucunda possessio, felicissima in corde Christi commoratio! Verè cor nostrum semper famelicum, & inquietum nullo alio saturari, in nullo conquiescere potest, præterquam in corde Christi, ceu centro suo. Sit inter utrumque cor proportio, & similitudo; ceu inter locum, & locatum. Cor Christi, ut S. Bernardus ait, fuit bis fauciatum; primò amore, dein dolore; primò spiritualiter, dein corporaliter; primò oculis sponsæ, dein ferrò lanceæ. Quam ob causam bis replicat vocem, *Vulnerâsti*, cùm dicit: *Vulnerâsti cor meum*, soror mea sponsa: *vulnerâsti cor meum*. Ac si apertè diceret: *Quia zelò amoris tui vulnerâsti me, lanceâ quoque militis vulneratus sum: & vulneratur lanceâ furoris, qui prius vulneratus fuit lanceâ amoris.*

Simili modo, ut cor tuum sit dignum corde Christi, duplici vulnere hiet, amoris & doloris. Prius autem quàm
reci-

recipias vulnus à ferro, fateare te vulneratum amoris telo. *Vulnerata charitate ego sum.*

3. Hæc est causa, inquit S. Bernardus, ob quam Martyres erant in tormentis veluti insensibiles; neque enim amplius vivebant, sed erant amore mortui. *Terrentur Martyres, rident: feriuntur, & gaudent; occiduntur, & ecce triumphant.* Quare? quia morte charitatis emortui nec minas, nec mortem sentire potuerunt. O felix mors amoris, quæ te insensibilem in tormentis, & tyrannis insuperabilem facit. O bona mors, prosequitur Bernardus, vitam conferens; bona mors, mortem contemnens.

Ad hanc mortem aspira anima mea, petendo illam à Domino quàm efficacissimè. Quin, ut mortua, te sepeli in nobili illo splendore cordis Christi. Prius tamen lavare in sanguine & aqua, quæ fluunt ex latere, & cum S. Bernardo precare; *Lava me Domine ab*
ini-

*iniquitate mea, & à peccato meo munda
me; ut purificatus per te, ad te purissi-
mum possim accedere, & in corde tuo
omnibus diebus vitæ meæ merear habi-
tare. O quàm bonum! O quàm jucun-
dum habitare in Corde Iesu! bonus the-
saurus; bona margarita, quam fossò
agrò Corporis Iesu inveniemus.*

CONSIDERATIO XXI.

*De Conditionibus Sanguinis ex
Vulneribus Christi manantis.*

I.
Vidit Ioannes fluvium, qui irrigabat,
& fœcundabat civitatem Dei. Ostendit
mibi fluvium aquæ vivæ, quæ habe-
bat tres conditiones. Prima, quòd
esset aqua mundissima, & purissima,
ceu crystallus. *Splendidum tanquam
crystallum.* Secunda, quòd exhibat è
sede Dei, & Agni. *Procedentem è sede
Dei, & Agni.* Tertia, quòd ab utra-
que parte fluminis viscebatur lignum
vitæ.

vitæ. Et ex utraq^{ue} parte fluminis lignum
 vitæ. Per hunc fluvium alii intelligunt
 Spiritum sanctum, qui à Patre, Filió-
 que procedit: alii gratiam Spiritûs san-
 cti, alii gloriam. Nos aliis mysticis
 sensibus omiſſis, per aquas hujus flu-
 minis intelligemus sanguinem è vulne-
 ribus Christi fluentem, & universam
 Civitatem Dei fœcundantem. Ab hoc
 enim sanguine originem ducit, quid-
 quid est in Paradiso pulchrum, vernans.
 In illo reperiuntur tres explicatæ con-
 ditiones. 1. Est purissimus, quia & est
 compositus ex sanguine purissimo Vir-
 ginis, & est unitus personæ Verbi, qui
 est ipsa per essentiam puritas. Ipsa de-
 nique innocentia Christi nec volentis,
 nec valentis contrahere maculam, quid
 nisi puritatem sanguinis hujus docet?
 Secundò hic sanguis non procedit à
 puro homine, sed ab homine Deo, *Dei*
& Agni. Tertiò circumdatur lignò
 vitæ, fructus enim sanguinis est gloria
 & vita æterna.

2. Considera, ubinam sit vera beatitudo hujus vitæ. *Beati*, subdit Iohannes, *qui lavant stolas, & animas suas in sanguine Agni.* quod fit consideratione affectus plenâ, & meditatione vulnerum & sanguinis Christi, ut sit potestas eorum in ligno vitæ. In virtute enim illius sanguinis fruuntur ligno vitæ beatæ, & æternæ. Et per portas, quæ sunt ipsa vulnera, intrent in Civitatem beatæ patriæ.

3. Apparuit in visione juveni cuidam elegans civitas supra montem posita, sed vallata & custodita magno flumine. Hinc alliciebat amcenitas loci, illinc absterrebat fluvius pertranseundus. Dum circumspicit dubius, ecce videt quosdam homines in eodem flumine lavantes vestimenta, quos quidam vultu & habitu dissimilis adjuvabat. Rogavit qui essent, quidve agerent; ad quem ille dissimilis: Civitas illa Cælum est. Hi lavant stolas suas in sanguine Agni, ut purgati, & per pœnitentiam mundi effecti

effecti digni sint, qui in Civitatem sanctam admittantur. *Ego sum Iesus Christus, sine cuius auxilio nemo salvari potest. Si vis ad illum locum pervenire, hæc est via.* His dictis evanuit visio, juvenis verò Monasterium adiit, factusque Religiosus agnovit præsentem Religiosos eos esse, quos ad fluvium in visione viderat, lavantes stolas suas in sanguine Agni mediâ poenitentiâ, & mortificatione.

CONSIDERATIO XXII.

De Sanguine sanctissimorum Vulnerum Christi.

I.
Sanguis Christi in scriptura sub symbolo, & figura mellis exprimitur. *De petra melle saturavit eos*, explicat S. Thomas, *dulcissimo sanguine vulnerum Christi.* Generat hæc hujus mellis dulcedo in anima contemptum rerum terrenarum, & desiderium cœlestium.

Ex-

Expertus id est ille, qui aliquando gustato sanguine vulnorum Christi tam ineffabilem sensit dulcedinem, ut omnium rerum creaturarum gustum perdidit, & sola deinceps cœlestia ei arri-
serint.

2. Est sanguis Christi noster potus, nostrum pretium, noster Advocatus apud Patrem cœlestem. *O sanguinem Christi summè honorandum! in altari poculum, in Cruce pretium, in Cœlo pro nobis ad Deum Patrem advocatum.*

3. Est medicina nostrorum vulnorum. *Filius Dei jubetur occidi, ut vulneribus nostris pretiosi sui sanguinis balsamo mederetur.* Eodem aperit nobis portas Cœli. Quare S. Hieronymus eum vocat clavem Paradisi. *Sanguis Christi clavis est Paradisi.* Est certa contra hostes nostros victoria. Sanctus Edmundus, Episcopus Conturbien-
sis, dæmonem in virtute sanguinis Christi adegit, ad significandum sibi, quô potissimum modô superari posset. *Adjuro*

*te per asperſionem ſanguinis Chriſti, in
quo facilius te vincere poſſum. Reſpon-
dit dæmon, Deo ſic ordinante. In
eo, quod nominâſti. Illius ſanguinis
virtute facilè vincor.*

CONSIDERATIO XXIII.

*Quòd Vulnera Chriſti immuta-
vere clavos in claves Paradifi.*

C^{I.}*lavis reſerans eſt clauus penetrans;*
ait Bernardus. Quilibet clauus Chriſti
eſt reſerans, & penetrans. Reſerat, &
penetrat. Et reſerat, quia penetrat:
neque unus effectus ab altero ſeparatur.
Eſt clavis, & clauus. Eſt clavis, quia
tibi reſerat Cœlum: Eſt clauus, quia
tibi carnem tranſfigit. Quòd ſi mor-
tificationem clavi fugis, ſcito te conſo-
lationem clavis quoque perditurum.

2. *Conſidera virtutem, & efficaciam
ſanguinis Chriſti. Berrum, quod eſt
inſtrumentum mortis, immerſum in
illum*

illum divinum sanguinem efficitur
nuntius vitæ, & clavis Paradisi. Si
conspectus te ferri terret, consideratio
sanguinis restituat animum, & conso-
letur. Ingrediatur ferrum, sed cum
sanguine, & vulnus non mortis, sed
vitæ erit causa.

3. Quid cogitas? si in Christo non
fuit clavus tantum reserans, sed etiam
penetrans; oportuit enim pati Christum,
& ita intrare in gloriam suam; an
aliam in te legem sperabis, volésque
claves absque clavis? Hanc ergo, ut
veritatem certissimam, animo tuo in-
culpe. Clavus tribulationis cum pa-
tientia supportatæ est clavis Paradisi;
neque ulli clavis erit Paradisi, nisi sit
prius clavus tribulationis. Non est cla-
vis reserans, nisi prius sit clavus pene-
trans. Sustinuit S. Carolus à clavo in
processione sibi pedem transfigi, ut
tolerato clavo mereretur agnoscere
clavem. Arbitrare hæc tibi à clavo
tribulationis dici, *Patientiam habe in*
C me,

*me, & omnia reddam tibi. Sustine,
& salvaberis. Sustine clavum, & ha-
bebis clavem.*

CONSIDERATIO XXIV.

*De Lancea, quæ latus Christi
adaperuit.*

U^{I.} si sunt lanceâ milites aperiendo
latus Christi, ut intelligerent, an obiisset;
& si adhuc superesset, ut eo vulnere de-
fineret spirare. Infixa est lancea lateri
cum magno furore & rabie, sic ut per
altam partem corporis videretur lancea
pertransire: & pervenit usque ad cor-
dis ipsius transfixionem, ut daret quid-
quid resederat sanguinis in corde: Dedit
ergo Christus omnem sanguinem,
etiam modicam illam portionem, quæ
ad cor confugerat.

2. Miles vulnerans dicitur fuisse Lon-
ginus, qui tactu sanguinis Christi, cum
esset altero oculo privatus, illuminatus
est

est extra, & intrâ lumine fidei, & Episcopus fuit, & Martyr. Lancea benedicta, clavis cœli, quæ aperiendo cor Christi, etiam cœlum nobis aperuisti.

3. Transfixit lancea carnem, & cor Christi, ossium tamen nullum fregit, *Os non comminuetis ex eo.* Os Symbolum est divinitatis, quæ in Passione fuit impassibilis. Significabat insuper sanctos Martyres perduratu-
ros in persecutione absque confracti-
one, animatos exemplo Christi. Tertiò significat ipsas Christi virtutes, quæ nunquam in tantis doloribus defecere; non potentia, non charitas in proximum, & sic de reliquis.

CONSIDERATIO XXV.

Vulnera Christi Medicina cœlestis.

F^{I.}*ilius Dei altissimi jubetur occidi,*

inquit Bernardus, *ut vulneribus meis*^r
id est peccatis, pretioso sui sanguinis bal-
samo mederetur. & subjungit. *Agnosce*
ô homo, quàm gravia sunt vulnera, pro
quibus necesse est Dominum Christum
vulnerari.

2. Anima diversis in partibus, &
 variis modis per peccatum vulnerata est;
 Intellectus ignorantia, voluntas mali-
 tia, appetitus concupiscibilis concupi-
 scentia debilitate irascibilis. Vulnera
 Christi ceu pharmaca cœlestia meden-
 tur his omnibus plagis. Intellectum
 sanant fide, voluntatem charitate, ap-
 petitum concupiscibilem temperantiâ,
 irascibilem continentia, & fortitudine.

3. Medicina utut amara amatur, &
 in pretio est, quia sanitatem generat.
 Et Christi Vulnera, quamvis nonnun-
 quam affligant, æstimanda tamen sunt,
 & amanda quodam interminato amore,
 quandoquidem sunt causa æternæ sa-
 lutis, omnisque boni tum gratiæ tum
 gloriæ.

CON-

CONSIDERATIO XXVI.

*Vulnera Christi facundi Ora-
tores.*

Efficacissimum medium ad impe-
trandas à Deo Patre gratias, quibus
egemus, est petere per vulnera dilectis-
simi-ejus Filii, quam veritatem nos do-
cuit Christus Ioan. 6. c. *Si quid petier-
itis patrem in nomine meo, id est, pro-
pter me, & propter vulnera mea, dabit
vobis.*

2. Neque solum per viam misericor-
diæ impetrant, sed etiam per viam iusti-
tiæ; & quod nobis est gratia, est san-
guini Christi debitum & iustitia.

3. Hoc medium orandi per vulnera
Christi eret D. Francisco Xaverio fami-
liare, qui identidem hanc orabat colle-
ctam. *Domine Iesu Christe, Deus cordis
mei, per quinque illa vulnera, quæ tibi
in cruce nostri amor inflixit, tuis famulis
subveni, quos pretioso sanguine redemisti.*

CONSIDERATIO XXVII.

*Vulnera Christi Testimonium
perpetui Amoris.*

V^{I.}ulneribus Christi per mortem
ereptus est labor, sed non amor. Amor
ea adaperuit, & amor ea ante Patrem
nostri causa aperta servat. *Charitate
perpetua dilexite.* Perpetua, quia ab
æterno cœpit nos amare, & amabit in
æternum.

2. Expende, quô affectu amoris
Christus in cruce inter summos suorum
vulnerum dolores tui recordatus sit,
rogans pro te Patrem. Eodem affectu
nunc in cœlo idem pro te officium exer-
cet. *Iesus Christus heri & hodie ipse
& in sæcula.* Idem est in amore in
tempore, & in æternitate.

3. Revelavit Christus D. N. sanctæ
Mechtildi, quòd eodem affectu, quò
se in sacrificium pro nobis in ara crucis
obtulit, etiam nunc ad dexteram Patris
stans,

stans, offerat. *Sicut hostiam in ara crucis me aliquando obtuli, sic adhuc eodem amoris affectu assisto Christo Deo Patri pro peccatoribus.* O pia vulnera mei Domini, pro nobis & in nostram salutem semper aperta. *Quid retribuam Domino? Amori perenni perennè respondeat tributum mei cordis.*

CONSIDERATIO XXVIII.

Vulnera Christi Thesaurus Ecclesiæ.

Thesaurus S. Ecclesiæ sunt vulnera Christi, in ipsis enim conservantur inæstimabilia merita Salvatoris, propter quæ nobis tribuuntur omnia dona supernaturalia gratiæ & gloriæ. Et per effusionem sui sanguinis Christum infinitum Ecclesiæ militanti thesaurum acquisivisse, asserit Leo X in quadam Bulla. O thesaurum infinitum, thesaurum incomparabilem, thesaurum

nunquam exhaustiendum! Una sola gutta ipsius pretiosi sanguinis propter unionem hypostaticam ad Verbum sufficientissima est ad redimendos mille Mundos.

2. Non reperiet unquam nostra paupertas aliud remedium, quam uti divitiis thesauri Christi. *Quidquid ex nobis mihi deest*, inquit Augustinus, *usurpo mihi ex visceribus Domini mei, quoniam misericordiae affluunt, nec desunt foramina, per quae effluant.* Per hos canales sanctissimorum foraminum deplunt ad nos omnes gratiae, omnes misericordiae, & omnes consolationes coeli. Vernant semper in divina praesentia, & in Dei acceptatione immensa & infinita merita illorum vulnerum, & propter illa nobis Dominus noster communicat gratiam, nosque liberat à poenis purgatorii, quas propter peccata nostra meruimus. Verumtamen omnia dona Dei sunt effectus & iustitiae, & misericordiae simul. Iustitiae intuitu vulne-

rum Christi, misericordiae intuitu nostrorum meritorum.

3. Insuper in hoc thesauro vulnerum considera supereffluentem mensuram satisfactionis SS. Virginis, & omnium Sanctorum, qui in propriis martyriis excesserunt promerita suorum delictorum. *Ad thesauri cumulum* (ita in

extravaganti, *unigenitus*, definitur) *adminiculum* etiam praestare merita B. Virginis & aliorum Sanctorum. Quod ipsum redundat in majorem gloriam vulnerum Christi. Non enim solum pro nobis satisfecerunt, sed etiam communicarunt potestatem & virtutem, si non merendi, certè satisfaciendi pro aliis.

Ex his, quæ dicta, excitatus inter exercendum virtutes, cum tentationes inimici superas, cum gratiâ divinâ adimpleris, cum sanctis inspirationibus supereffluvis; agnosce divinatorum vulnerum efficaciam, ab illis enim hæc omnia profluunt. Virtus illius pretiosi sanguinis in te operatur. Quare

justum est te in quovis loco, & in omni opere eorum memorem esse, agendo gratias & benedicendo in æternum. Matri quoque sanctissimæ age gratias, quia dum communicat dolori sanctorum vulnerum, neque ob inexplicabilem suam puritatem eget illorum lavacro, tibi impertit ejus effectum, qui est ablutio tuorum peccatorum. Eandem ab aliis sanctis gratiam expecta, qui adimpleverunt, quod deerat in Passione Christi in carne sua pro corpore ejus, quod est Ecclesia.

CONSIDERATIO XXIX.

Vulnera Christi Signaculum cordis.

I.
Apprimi debent divina vulnera cordi nostro, ut figilla ceræ. Atque ut figilla duram ceram fugiunt, quærunt mollem; ita nisi cor nostrum à calore divini amoris mollesfactum fuerit, non re-

recipiet in se coelestem impressionem
divinorum vulnerum.

2. Cum Christus D. N. servum suum
Franciscum impressione suorum stigma-
tum in manibus, pedibus, & latere de-
coravit, apparuit in effigie crucifixi à
Seraphino circumcincti. *Seraphim cru-
cifixus apparuit.* Hâc nos imagine
erudiens, quòd Seraphicus amor nos
disponat ad participandum beneficia
Crucifixi. Et ille vulgo habitus Fran-
ciscus, quia incendio amoris divini in
Seraphinum immutatus fuerat, factus
est dignus, qui per communicationem
sacrorum vulnerum esset alter cruci-
fixus.

3. Merito itaque indivisibiliter uni-
untur Seraphim, & crucifixus. Neque
enim unquam donaberis divinâ conso-
latione, nisi crucem & mortificationem
Christi amplexeris.

CONSIDERATIO XXX.

*Vulnera Christi Rete divini
Amoris.*

En ipse stat post parietem nostrum,
 respiciens per fenestras, prospiciens per
 cancellos. Stat Christus post parietem,
 quia intermedio corpore occulit suam
 divinitatem. Et respicit per fenestras,
 quia per vulnera prospicit nostras æru-
 mnas, eisque medetur. Benedicta
 vulnera, quæ, dum se inter nostra pec-
 cata, & divinam justitiam interponunt,
 mutant sententiam mortis in vitam.

2. *Respicit per fenestras*, aut ut alii
 legunt, *per Retia*. O Retia Divini
 amoris, quæ attrahitis, & votis illigatis
 cor Dei; ut ad nos attrahatis, vobisque
 illigatis animas nostras. Cum aperta,
 & extensa fuistis in cruce, homines re-
 vertebantur percutientes pectora sua.
 Iisdem Apostoli facti sunt Piscatores
 hominum.

3. *Re-*

3. *Respicit per retia, apparet per retia, eminet super retia.* Se per vulnera visendum exhibet, quia patent viscera; & eminet super retia, quia qui potuit guttā, voluit undā, & quod satis fuit ad meritum, non satis fuit ad amorem.

CONSIDERATIO XXXI.

Vulnera Christi Arma mystica.

I.
David bellaturus adversus Goliathum, delegit quinque limpidissimos lapides de torrente, & misit eos in peram pastorem, quam habebat secum; & cum appropinquasset Philisthæo, misit manum suam in peram, tulitque unum lapidem, & funda jecit, & circumducens percussit Philisthæum in fronte. Cūque prævaluisset, nec gladium haberet in manu, arrepto Philisthæi gladio præcidit caput ejus. Hi quinque lapides significant quinque Christi vulnera, quæ primum in pera memoriz

sunt accuratissimè servanda, Dein funda intellectûs attentè, & pensiculatè expendenda (& *circumducens*) circumducendo ea in cœlum, in terras, in infernum, ubicunque ejus effectus deprehendi possunt, Tertiò in tentationibus opponenda sunt inimicis nostris, certam enim victoriam nobis adferent.

2. Primis quatuor lapillis inscripta erant nomina quatuor Patriarcharum, Abrahæ, Isaaci, Iacobi, & Moylis. Quintus, quò corruit gigas, insignis erat nomine Iosue, figurâ & Symbolô sanctissimi nominis Iesu; ad indicandum, quòd non virtus legis scriptæ, sed gratia Evangelii per merita Christi, & ejus vulnerum devictus, & eliminatus sit dæmon.

Quinque lapides elegit David, uno obtinuit victoriam, adjuvante funda & manu. Nec vulnera Christi adjutura credamus, nisi cooperemur manibus nostris.

3. Revertenti Davidi cum victoria,
& triumpho in occursum venerunt mu-
lieres de urbibus Israël *cantantes, cho-
rosque ducentes in Tympanis lætitiæ, &
in Sistris.* Anima quoque, cum ab
hac vita abierit onusta spoliis & trophæ-
is, habebit cœli cives, paradisi incolas
obvios, cantantes in Citharis ejus he-
roica facinora.

CONSIDERATIO XXXII.

*Vulnera Christi facundæ
Linguae.*

I.
Quot vulneribus, tot linguis loqui-
tur Salvator noster.

1. Loquitur, & decantat Patri suo
laudes, quia illis *non quæsit gloriam
suam; sed ejus, qui misit eum, Patris.*

2. Loquitur victorias, quia sunt
victoriæ suæ triumphus.

3. Loquitur impetrando nobis salu-
tem, quia per ea *salutis humanæ exigit
pretium.*

4. Lo-

4. Loquitur ad nostram exhortationem, & doctrinam nos ad patientiam exemplô suô animando. *Confidite, ego vici mundum per hæc vulnera. Vos quoque, si mei causa sustinueritis dura, vincetis.*

5. Loquitur his linguis in confusio-
nem malorum in die Iudicii, *Ecce hominem, quem crucifixistis: videte vulnera, quæ inflixistis: agnoscite latus, quod propugistis. Quoniam per vos, & propter vos apertum est, nec tamen intrare voluistis.*

CONSIDERATIO XXXIII.

Vulnera Christi Peccatorum Spongia.

I.
Sententia nostræ mortis firmata di-
vino decreto, & pœna æterna non ali-
ter deleri potuit, quàm Vulneribus
Christi. Clavi illi, qui ejus carnem
transfixerunt, discerplerunt chirogra-
phum

phum damnationis, & ille sanguis, qui ab illis vulneribus promanavit, extinxit characteres mortis. *Delevit, quod adversus nos erat, Chirographum decreti affigens illud cruci, & in carne sua per clavos convellens.*

2. Hoc innuebat Propheta, cum dicebat, *vulneratus est propter iniquitates nostras*, ut scilicet discerperetur codicillus, in quo iniquitates, & peccata nostra descripta erant.

3. Neque sola peccata nostra, sed etiam homo vetus, qui est noster fomes, & nostra concupiscentia cum Christo in crucem venerunt. *Vetus homo noster simul crucifixus est (scilicet cum Christo)* destruendo peccatum, & frænando ac dirigendo concupiscentiam nostram.

CONSIDERATIO XXXIV.

*Vulnera Christi Schola Spiritus
sancti.*

I.
Summa, & Epitome Doctrinæ Christianæ comprehenditur in hac à Christo prolata sententia ; *Qui amat animam suam, perdet eam ; & qui odit animam suam in hoc mundo, in vitam æternam custodit eam.* Doctrina quàm vera, tam difficilis carni & sensui, neque absque lumine, & Magistro divino intelligi potest.

2. Magister, qui non solùm speculativè, sed etiam practicè hanc veritatem docet, est Spiritus sanctus ; schola, vulnera Christi. Istic anima illuminatur, & cognoscit, quomodo amor sui sit sui odium, & odium amor, quodque amans vitam in hoc mundo eam perdet in altero, at verò persequens, & odio habens in hac vita, eam adinveniet in altera. Contemplare praxin hujus
 doctri-

doctrinæ in Christo, qui dum odit in
vita præsentī, resuscitat ad æternam.

3. Ante Spiritûs sancti adventum ti-
mebant Apostoli mortem, & tyranno-
rum aspectum fugitabant. At ubi
divinus Magister advenit, & docuit
mysterium crucis, & vulnerum Christi,
finem, utilitatem, & præmia passionis,
martyrii, & mortis pro Christo: sponte
se martyriis ingesserunt & vulneribus.
Ibant gaudentes ad catastas & cruces.

Sanctus noster Franciscus Xaverius,
multum in hac schola vulnerum Christi
eruditus, in omnibus suis adversitati-
bus & ærumnis hanc se sententiâ solaba-
tur: *Qui amat animam suam, perdet
eam.* Huic se conformabat, huic ob-
temperabat, ut ipse nostris Goënsibus
referebat.

CONSIDERATIO XXXV.


Vulnera Christi Mors Peccati.

Una vulnerum Christi memoria
tan-

tantarum est virium, ut quemadmodum à luce tenebræ, à vita mors; sic ab ea pellatur & destruaturs omne peccatum, *de peccato damnavit peccatum*, inquit Apostolus. Christus suis vulneribus, hoc est, sacrificio pro peccato oblato damnavit, & destruxit peccatum. Et sanctus Bernardus, *Tanta est virtus vulnerum Christi, ut ad eorum memoriam totius peccati, & mortis fugetur exercitus.*

2. Memoria vulnerum non solum destruit peccatum, sed etiam mortificat pravas inclinationes, & concupiscentiam peccati. *Ubi mors Christi inquit Gregor. animo circumfertur, nulla potest concupiscentia regnare peccati.*

3. Eâdem memoria fegat, & vincit dæmonem. Mariam Magdalenam in deserto vehementer à dæmonibus oppugnatam, apparens Angelus munivit cruce Domini. Visebantur in ea quinque vulnera, & mysteria Passionis. Erexit autem eam ad Ostium speluncæ:



ex quo tempore immunis fuit ab insultibus Magdalena.

CONSIDERATIO XXXVI.

Vulnera Christi Opus nostræ Redemptionis.

Omnes Christi actiones sunt opera nostræ Redemptionis. Cum enim & omnes collectim, & quælibet singillatim sint valoris infiniti propter dignitatem divinitatis; possunt esse, & sunt causa nostræ salutis. Nihilominus vulnera Christi singulare quid in se continent, propter quod dicuntur, & sunt opus nostræ salutis. Addunt enim ultimum complementum antecedentibus totius vitæ meritis. *Quod potuit gutta, voluit unda,* inquit Bernardus. Poterat una sanguinis gutta, imò uno passu, aut oculi gyratu nos redimere: attamen ad ostendendum thesauros suæ bonitatis, quidquid fecit, & passus est

toto vitæ tempore, id omne ad cumulum completæ, & adæquatæ nostræ Redemptionis adjecit, Oportuit pati Christum, & ita intrare in gloriam suam. Et factus obediens usque ad mortem crucis. Et per Passionem consummavit omnia. Hanc etiam ob causam non ante accepta in cruce vulnera, clamavit, consummatum est. quasi diceret, ex hac hora depositum est omne capitale meorum meritorum pro salute hominis: effusum est pretiū necessarium in Redemptionem animarum, juxta ordinationem & voluntatem mei æterni Patris.

2. Opus nostræ Redemptionis secundò singulariter Christo attribuitur ex genere operis, ut S. Thomas docet, quia justum est, ut qui vitam suam alterius causâ perdit, illam pro sua adipiscatur.

3. Vulnere Christi sanctissima, quibus redemptio animarum debetur, vobis hanc animam, utpote mancipium per

vos

vos redemptum, offero; vobis meum
cor, substantiam, & opera omnia sacro,
& quemadmodum à vobis, & per vos
vivo; ità impetrate mihi, ut per vos, &
ad gloriam vestram operer.

CONSIDERATIO XXXVII.

*Vulnera Christi Victoria de no-
stris inimicis.*

Efficacissimum contra omnes tenta-
tiones remedium est memoria vulnerum
Christi; *In omnibus adversitatibus,*
inquit Augustinus, *non inveni tam ef-
ficax remedium, quàm vulnera Christi.*
*In illis dormio securus, & requiesco in-
trepidus.* Istic tanquam in turri fortis-
sima, & securissima tutissimum anima
refugium adversus omnes inimici insul-
tus inveniet. Vincit anima, ait idem,
intrando in turrin humanitatis Christi
per sanctissima vulnera, velut totidem
portas. Ingreditur autem recordando
Chri-

Christum, & cogitando, quando patitur, quia prior ille passus est, & ad hunc finem ut moreretur, & resurgeret. Et talem tu finem spera, qualis in illo praecessit. Et sic securus in hac turri habitabis, ut nunquam te ad illam turrim diabolica jacula secutura sint, ubi stabis munitus & fixus. In praxi itaque, cum te tentatum aut afflictum senseris, mox ad Christi vulnera recurre, cogitando quomodo Christus passus sit prior te, plus te, & purè propter te; propter tua scilicet peccata, & non sua, & dices cum sancto latrone: Nos quidem justè, nam digna factis recipimus; hic verò nihil mali fecit.

2. Usque adeo efficax est hæc memoria vulnerum Christi, ut non solum nos victores pro Christo, sed etiam cum Christo faciat. Expolians, inquit Apostolus, Principatus & potestates, triumphavit in seipso. S. Thomas cum aliis legit, Exuens se carne, id est mortalitate, exemplavit in seipso. Siquidem
 ipsius

ipsius triumphus fuit nobis nostri exemplum. Et hoc est, triumphare exemplando. Triumphavit Christus, & occidit inimicos se ipsum morti tradendo: & illi ipsi clavi, inquit Leo Papa, qui transfixerunt manus & pedes Christi, transfixerunt Satanam. *Clavi, qui manus Domini pedesque transfixerunt, perpetuis diabolum fixere vulneribus; sic suam Christo consummante victoriam, ut in ipsa omnes, qui in eum crederent, triumpharent.* Ab hoc exemplo discemus superare nostros inimicos, quia instrumentum, quod nos dæmon subjugat, est caro nostra, & nostræ inordinatæ Passiones. Ideò has debellando, ille pariter debellatur. Ob id dicebat S. Augustinus, *Ibi vincuntur invisibiles potestates, ubi vincuntur sensibiles cupiditates.* Eodem tendebat consilium S. P. N. *vince te ipsum, si tuos vis inimicos vincere.*

3. In vulneribus Christi continentur antidota virtutum, vitis & peccatis
D. oppo.

opposita. *In vulneribus Salvatoris,*
 inquit Augustinus, *est multitudo dul-*
cedinis, plenitudo gratiae, & perfectio
virtutum. Istic divinam Majestatem
 obsecra, ut suâ humilitate tuam super-
 biam vincat, & te vrè humilem faciat;
 sua obedientia superet tuam inobedien-
 tiam, & vera te obedientia decoret;
 patientia sua extinguat tuam impatien-
 tiam, & te vera patientia honoret: cha-
 ritate suâ abluat tuam iniquitatem, &
 verâ te charitate insigniat: Denique
 sua perseverantia elidat tuam incon-
 stantiam, & coronet perseverantia,
 quam mors tumulo, aut veritatis coelo
 inferat. Humilitas Christi ceu instru-
 mentum divinitati conjunctum est causa
 universalis omnis gratiae & perfectionis:
 ad hunc autem, vel illum effectum de-
 terminatur particulari conditione: Ita
 ut quæ humilis, sit tuæ humilitatis causa;
 quæ obediens, obedientiae; quæ vulne-
 ratus & crucifixus, medio sanguine &
 stigmatum, est causa remissionis tuorum
 peccatorum.

CON-

CONSIDERATIO XXXVIII.

*Vulnera Christi Incentivum
Martyrii.*

I.

Citra sanguinem non licet ad Verbum accedere. Cruore respersum adamant oculi incarnati Numinis. Sanguis ejus postulat sanguinem, vulnera, cicatrices. *Est sponsus sanguinis*, non solum nos sanguine redemit, & sanguine subarrhavit; sed vult etiam nos sponsas sanguinis; neque cum alia in his sponsalibus deponat nos veste, quàm *cum veste aspersa sanguine.*

2. Sunt vulnera Christi veluti totidem ignitabula, quibus petra cordis nostri affricta accenditur in desideria martyrii. Benedicta vulnera, ferite brachio contento, & tam efficaciter cor meum, tantùmque in me martyrii amorem succendite, ut abundantior mihi dolor sit caruisse martyrio, & absentiam carnificis suppleat torquendo desiderium.

3. His agebatur stimulus, & incendiis Pauli pectus, cum dicebat, *Charitas Christi urget nos.* Illa nimirum Charitas ostensa in vulneribus, quâ urgemur, ut si *unus mortuus est pro nobis*, libenter commoriamur.

CONSIDERATIO XXXIX. *Vulnera Christi Confortatio Martyrum.*

Accipit Martyr à vulneribus Christi ^{I.} *Exemplum, & adjutorium.* Modicum sine adminiculo proficeret exemplum. Ab ipsis instruitur, ab ipsis provehitur. S. Laur. Iustin. Dein subdit. *Cujus saxum pectus non emolliant vulnera Salvatoris? & quis pati renuat patiente Domino?*

2. Ad debellandas passiones nostras, nihil opportunius passione Christi. Passio Passione vincitur, & cruciatus cruciatibus superatur. Nam. *dolorem servit dolor lenit Domini.*

3. Ex

3. Ex thesauro vulnerum Christi ditata martyris anima superat, & vincit promissa, & minas Tyrannorum. *Impredabilem intus possidet thesaurum, Christum Dominum reconditum habet in pectore, propter quod insensibilis esse conspicitur exterius, & consideratio tam præcipuæ, tamque vehementissimæ charitatis vinculas suavificat passiones, & omne levificat tentationis pondus.*

CONSIDERATIO XL.

Vulnera Christi Hospitium animæ.

I.

O beata lancea, ac beati clavi, qui apertionem hujusmodi facere meruerunt. O si fuisset loco illius lanceæ, exire de Christi latere noluissem, sed dixissem: Hæc requies mea in sæculum sæculi, quoniam elegi eam. Invideo & clavis & lanceæ beatitudinem, quam consecuti sunt intrando in sacrarium carnis

Christi. Equidem me nemo illinc
eduxisset in *saeculum saeculi*.

2. *Præ nimio amore aperuit sibi la-
tus, ut tibi tribuat cor suum; sibi etiam
voluit pedes, & manus perforari, ut
cum ad ipsum perveneris, sic tuæ manus
intrent in suas, ac pedes tui in suos; ut
sibi inseparabiliter conjungaris. Aperuit
latus, ut tibi cor suum donaret: aperuit
manus, & pedes, ut totus absque ulla
disjunctione illi adhæreres.*

3. *Obsecro secundum Apostolum, ani-
ma mea, omnia proba hæc coneris expe-
riri: & si bonum tibi videtur, inde
amplius non discedas: & non dubito,
quod si fueris experta, omnia præter
ipsum, & ejus vulnera, amaritudinem
reputabis.*

CONSIDERATIO XLI.

*Vulnera Christi Animæ nostræ
Patria.*

V^{I.}ulnera Christi, ut vera nostra Pa-
tria,

tria; agnoscenda & diligenda sunt; namque in illis, & per illa recreati sumus Deo, & regenerati ad vitam gratiæ.

Benedictus Deus, & Pater Domini nostri Iesu Christi, qui secundum misericordiam suam magnam regeneravit nos in spem vivam. A vulneribus Filii concipitur spes, vulneribus lætamur.

2. Quisquis amat patriam, si se extra illam inveniât, vivit ut peregrinus, & cum animo repatriandi. Simili modo probrosum est animæ extra vulnera Christi vivere ut civem. Peregrinam decet esse extra vulnera, & cum animo revertendi ad illa; & ut in patria, in illis suavissimè, & jucundissimè diversandi.

3. Duas habet patrias verus Christianus, altera est vulnerum, in qua gignitur gratia; altera cœli, in qua renascitur immortalis ad gloriam. Utque in morte certus sis de futura cœli patria, fac in vita præsentis sis vulnerum civis.

CONSIDERATIO XLII.

Vulnera Christi omnium Sanctorum Gloria.

S^{I.}unt vulnera Christi gloria Sanctorum, quia gloria est effectus vulnerum, & suam ultimam perfectionem accipit à beata illorum visione. Cum à sole radii promicant, totus orbis gaudiò adimpletur. Radii divini luminis, qui à vulneribus prodeunt, illuminant, & gloriosam reddunt Civitatem Dei.

2. Sunt animæ sanctæ viva membra Christi, & Christi quidem sacris stigmatibus insigniti. Quare si beatæ sunt ex propria gloria; beatiores sunt ex gloria capitis sui. Cingite benedicta vulnera, cingite caput nostrum gloriâ, eadémque sit membrorum corona.

3. Gloria Sanctorum vulnera Christi, quia *unum Sanctorum munus sine fine Alleluja*, laudare & glorificare Deum in vulneribus Christi, & vulnera Christi

in Deo. *Benedicta vos à Deo, qui fecit
cælum & terram. Benedicatur, lau-
detur, & glorificetur in æternum.*

CONSIDERATIO XLIII.

*Christus vulneratus Fundamen-
tum Meritorum.*

I.
Expōde valorem gratiæ. Omnes
vitæ præsentis ærumnæ, labores omnes
absque gratia nihil merentur, nihil ad-
jumenti afferunt *ad vitam æternam.*
*Non sunt condignæ passiones hujus tem-
poris ad futuram gloriam, quæ revela-
bitur in nobis.* Et addit S. Bernardus :
*Non sunt condignæ ad præteritam cul-
pam, quæ remittitur ; ad præsentem
consolationem gratiæ, quæ immittitur ;
ad futuram gloriam, quæ promittitur.*
Ex opposito quæcunque minima actio
unita gratiæ meretur vitam æternam.
*Momentaneum hoc, & leve tribulatio-
nis nostræ æternum gloriæ pondus opera-
tur in nobis.*

2. Hanc gratiam nobis per sua vulnera Christus promeruit. *Dignus es Domine, aperire librum, & solvere signacula ejus, quoniam occisus es.* Vulnera & mors fecerunt, ut dignus esses, qui aperires librum gratiæ, & solveres vincula, quibus tenebatur. Duobus modis à vulneribus Christi meritum capiunt opera nostra. Primum merendo & applicando nobis gratiam. Secundò communicando nobis immediatè sua merita infinita. Quibus si nostra uniuntur, non solum merentur *de justitia, sed de omni rigore justitiæ.* Et Pater æternus, cum nobis præmium persolvit, non solum respicit nostra merita, sed etiam Filii, & illa ut his unita. Amor quoque Dei in nos tendit, non tantum ut filios adoptivos, sed etiam ut fratres Christi filii sui naturalis, cum quo (ut membra cum capite) idem corpus conficimus. Gratia vobis, ô sanctissima vulnera, siquidem per vos, vobiscum, & in vobis sunt omnes meæ divitiæ,

divitiarum, omnia mea gratiarum & gloriarum merita. Dicamus cum Apostolo: *Ex ipso, & per ipsum, & in ipso sunt omnia: ipsi gloria in secula.* Omnia gratiarum bona sunt à Christo tripliciter. Primò *ex ipso* per vulnera, quæ nobis gratiam merentur. Secundò *per ipsum* per gratiam, quam nobis meruit. Tertiò *in ipso* per ejus merita communicata, & unita nostris. *Ipsi gloria in secula.* In omnibus enim soli Christo laus, gloria, & honor debetur.

3. Procurando tibi merita propria. Omnis tamen fiducia locanda in meritis vulnerum Christi. *Merita mea vulnera tua, Domine.* Tua merita mea sunt, in illis spero, in illis confido, in illis ego ex me pauperrimus, ditissimus sum. *Quidquid ex me mihi deest, dicebat Augustinus, usurpo mihi ex vulneribus Domini mei: quoniam misericordiarum affluunt, nec desunt foramina, per quæ effluant. Copiosa redemptio data est nobis, in vulneribus Iesu Christi Salva-*

toris nostri; magna multitudo dulcedinis; plenitudo gratiæ, & perfectio virtutum.

CONSIDERATIO XLIV. *Christus vulneratus Effugium in Judicio.*

V^{I.}ulnera in tremendo iudicio erunt
ceu totidem linguæ fulminantes. Sur-
get in illa hora Christus, & ostensis suis
vulneribus peccatores hisce vocibus
compellabit: *Ecce hominem, quem cru-
cifixistis; videte vulnera, quæ inflix-
istis; agnoscite latus, quod transfixistis,
quoniam per vos, & propter vos aper-
tum est, nec tamen intrare voluistis.*

2. Quantum in malis erubescantiam
generabunt vulnera Christi, tantam in
oppositum consolationem, & lætitiā
iustis afferent. *Aspicient, quem con-
fixerunt suis peccatores sceleribus, &
aspicient, quem dilexerunt ex toto corde
Iusti.* Namque in vulneribus Christi
repe-

reperient effugium, & robur: & Christus pro eis loquetur; Verum est eos peccâsse, verum in oppositum etiam est, quia superaverunt in his vulneribus. Et quia pro suis delictis meam obtulerunt passionem, séque purpura regali mei sanguinis vestiverunt; digni facti sunt, qui in cœlestem gloriam introirent.

3. S. Mechtildem, in visu raptam in iudicium, accusârunt Angeli sancti, & creaturæ omnes. Seraphini ob reponem in amando, Cherubini ob exilitatem sciendi, Throni inculpabant defectum pacis, Apostoli exiguum doctrinæ suæ curam, Martyres in fortitudine pusillam magnanimitatem, Beata Virgo in fidelitate erga filium suum integritatem, creaturæ omnes in usu sui abusum. Inter hæc Christus ad Mechtildem versus, eam bono esse animo iussit, & intentata crimina diluit. Ex quo illa animosior facta talem, ac tantum advocatum in brachia sumpsit, offerens ejus vulaera, & inde manantem sanguinem

cum

eum meritis Passionis pro suis defectibus. Et quidem humilitatem pro sua superbia, charitatem pro sua tepiditate. Hâc itaque oblatione satisfecit iudici, & iudicii pœnas declinavit.

CONSIDERATIO XLV.

Christus vulneratus Incentivum Charitatis.

Ex solo sanctissimorum vulnerum aspectu sentit se anima accendi, & inflammari charitate Dei. Patent viscera per vulnera, patet arcanum cordis per foramina corporis. Tanto major erit ardor, quanto attentius ea contemplata fuerit; juxta consilium S. Pauli, penetrando quanta sit longitudo, latitudo, profunditas, & sublimitas vulnerum. In charitate radicati & fundati, ut possitis comprehendere cum omnibus Sanctis, quæ sit longitudo, latitudo, sublimitas, & profundum. Illæ enim manus vul-
neratæ

neratæ occludunt nobis infernum, & referant cœlum per omnem æternitatem.

2. *Ignem veni mittere in terram.*
Venit Dominus ad accendendum, & inflammandum Mundum igne divini amoris: & hic ignis prodiit ex quinque fornacibus accensis, quæ sunt divina vulnera. Qui vultis ab hoc igne accendi, *accedite ad divina vulnera, & inflammamini.*

3. Viro eximiæ sanctitatis inter precandum medium efficacissimum pro excitando in se amore divino flagitanti respondit Christus, ut se in consideratione suæ humanitatis vulneratæ, & in Passione sauciata exerceret. Siquidem in illa mirum in modum resplendet charitas Dei. *Exerce te in humanitate mea passionata & vulnerata, nam in ea maximè lucet mea charitas non aliter, quàm Sol in suo splendore, rosa rutilans in suo odore, ignis vehemens in suo fragranti æstu, & ardore.*

CON-

CONSIDERATIO XLVI.
Christus vulneratus Conversio
Animarum.

Ad juvenem ab amore carnali, & mundano convertendum ad sanctum & divinum, comparuit Dominus ceu noviter passus, quasi plagis recentibus crucifixus, & dixit ei: *Me diligas, qui sum formosus, bonus, dulcis, & generosus.* His dictis evanuit, mulier verò plena jubilò & exultatione omnem tentationem excussit.

2. Allabora, ut sacra vulnera eundem in te effectum sortiantur. Intuere illa, ceu vulnera Dei tui amantissimi, quique in seipso est pulcherrimus, optimus, dulcissimus, potentissimus.

3. Obsecrabis Virginem sanctissimam, ut sanguine Filii sui tam copiosè ex illis vulneribus profusi scribat indelebiter in corde tuo; *Me diligas, qui sum formosus, bonus, dulcis, & generosus.*

CONSIDERATIO XLVII.

*Christus vulneratus holocaustum
pro hominibus.*

I.
Quamvis tota vita Christi fuerit continuum sacrificium & holocaustum juxta dictum Augustini, *omne opus bonum ad Deum relatum dici potest Sacrificium* ; nihilominus loquendo in rigore, solum in altari crucis obtulit proprium sacrificium, sui ipsius. Ipse Christus dixit, *Pro eis ego sanctifico me ipsum.* hoc est, sacrifico, ut explicant Doctores ; quia in Cruce accepit vulnera lethalia ad ipsius mortem proximè ordinata. Quod necessarium est ad verum, & proprium Sacrificium, maxime holocausti.

2. Ad hoc Sacrificium concurrit non solum per modum *acceptationis*, acceptando voluntariè mortem, ut etiam Martyres ad sua martyria concurrunt ; sed etiam per modum *oblationis*. Cum enim

enim in cruce penderet , poterat vel amoliri carnifices , vel instrumentis mortis vim occidendi adimere , vel se in vita conservare. Quod Martyribus concessum non fuit , atque ob id ipsorum martyrium non erat propriè in rigore sacrificium. Adde , quod ipsorum mors non erat ordinata ad salutem Mundi , ut illa Christi fuit.

3. Considera , quomodo Christus mediis vulneribus seipsum obtulerit in sacrificium , & pro nobis , *in quantum erat satisfactorium pro peccatis* ; & pro se , *in quantum erat satisfactorium pro collatis beneficiis* ; & pro sua Humanitate *in quantum , erat latriacum* , namque offerebat debitum Deo cultum.

CONSIDERATIO XLVIII.

*Christus vulneratus Sacrificium
Iustitiae.*

Sacrificium vulnerum Christi merito
appel-

appellatur Sacrificium Justitiæ, illo enim satisfat non solum adæquatè, sed etiam supereffluenter Justitiæ Patris æterni. Námque culpa fuit infinita solummodo ex parte Deitatis offensæ; satisfactio verò est infinita, & propter personam, quæ eam acceptat, quæ est Pater; & propter personam, quæ satisfacit, quæ est Christus.

2. Sacrificium vulnerum secundùm S. Augustinum in cælo erit perfectissimæ Justitiæ. *Cùm ædificabuntur muri Ierusalem, tunc acceptabis Sacrificium justitiæ: modo autem Sacrificium pro iniquitate, spiritum contribulatum, tunc Sacrificium justitiæ laudis solius. Beati enim, qui habitant in domo tua, Domine; in sæcula sæculorum laudabunt te, hoc est Sacrificium justitiæ. Adverte, quodnam sit perfectum sacrificium justitiæ. Sacrificium laudis solius, Sacrificium laudis honorificabit me. Hoc Deo perfectè redditur in cælo, ubi adoratur perfectò cultu la-*
trix,

triæ, ceu primum principium, & ultimus finis rerum omnium.

3. Idem sacrificium, ut alii docent, est in cœlo sacrificium satisfactorium: non jam ob culpam aut poenam, sed ob debitum reverentiæ, cultûs, & amoris, qui Deo debetur. In cœlo enim Deus modo perfectissimè adoratur, amatur, laudatur.

CONSIDERATIO XLIX.

Vulnus Lateris Christi Refugium Peccatorum.

M^{I.}ontes excelsi cervis, petra refugium herinaceis. Maximi Sanctorum, significati per cervos, degunt per contemplationem in sublimibus montibus Paradisi: Inferiores verò in petra, quæ est Christus, & potissimum in ejus latere.

2. Sanctiùs dixerimus, adstruendo quod iidem utrobique versentur juxta di-

diversitatem affectuum. Tempore consolationis, ceu sitibundi cervi, decurrunt immensam Paradisi planitiem, ad extinguendam in vivis fontibus sitim. Desolationis verò tempore, & cùm gravitatem suorũ delictorum ruminant, ceu timida animalia aut herinacei, recurrunt ad præsidium securum lateris Christi.

3. Sed utut sit, tu cura, ut cum S. Comite Elzeario sis in vulneribus Christi. Sic ille ad conjugem suam scribit: *Si me videre cupis, quære me in vulnere lateris Christi: ibi enim habito, & ibi me poteris invenire.* Istic, si cervus es, copiosum vitæ fontem reperiēs. Ibidem si ob tua peccata es animal timidum & spinosum, reperiēs certam de venia spem, fruerisque locò ceu petrâ refugii, & montibus celsis cœli.

CONSIDERATIO L.

Vulnera Christi Nuncia Pacis.

Desideratissimum illud nuncium
Pacis

Pacis inter Deum & hominem attulere nobis SS. vulnera Salvatoris. *Pax vobis*, dixit post resurrectionem suam Christus ad discipulos, & continuò ostendit eis vulnera. *Et cum hoc dixisset, ostendit eis manus, & latus.* Dicere videbatur: si vobis grata est pax, debitas gratias rependite ejus Authoribus vulneribus, quæ ostendo.

2. Vera pax secundum Augustinum consistit in visione Dei, *pax in visione SS. Trinitatis.* Hæc autem est effectus vulnerum. *Collyrio sanguinis vulnerum inunge oculos tuos, ut videas beatificantem essentiam divinæ gloriæ.*

3. Uniuntur in vulneribus Christi justitia & pax, quæ sibi invicem adversabantur. *Justitia, & Pax osculatæ sunt.* Hæc enim vulnera satisfaciunt Justitiæ Dei, & nobis pacem ac misericordiam conferunt.

e. Lib. I. Hieronim.



S. Bernardus Serm. 43.
in Cant.

*Tu, si sapis, imitaberis sponsæ
prudentiam atque hunc Myrrhæ
tam charum Fasciculum de
principali tui pectoris nec ad ho-
ram patieris avelli. Amara illa
omnia, quæ pro te pertulit, sem-
per in memoria retinens, & assi-
dua meditatione revolvens, quò
possis dicere & tu: Fasciculus
Myrrhæ dilectus meus mihi, in-
ter ubera mea commorabitur.*

1000

1000

1000

1000

1000

1000

Arboret.



**thea
sium in Bielany**

liotece Jagiellońskiej



00138

Handwritten text, likely a signature or name, partially obscured by a vertical strip of paper. The visible words are "Viol" and "Vomer".

u
p

q



Bibliotheca
P.P. Camaldulensium in Bielany

Depozyt w Bibliotece Jagiellońskiej



00138

